

Ka lapeng/kgwebong

- o Kwala pompo pakeng tsa ho hlapa sefahleho, ho hlapa meno kapa ho kuta ditedu.
- o Ho nka shawara ya metsotso e mehlano ka letsatsi, ho e na le ho hlapela ka bateng, ho tla sebedisa nngwe borarong ya metsi a ka sebediswang ka bateng, mme o boloke dilithara tse 400 ka beke.
- o Ho shawara ho ka sebedisa metsi a ka bang dilithara tse 20 ka motsotso.
- o Haeba o kgetha ho itola, se tlase bafo metsi.
- o Ho hlapa ho ka sebedisa metsi a pakeng tsa dilithara tse 80 le tse 150 lekgetlo ka leng.
- o Sebedisa dihlohwana tsa shawara tse nshang metsi butle, mefuta e mmedi ya dikonopo kapa mehele ya ho hula metsi ntlwaneng le metjhineng ya ho hlatswa e sebedisang metsi ka nepo.
- o Diketlele di se tlatse ho fihlela di phophoma empa metsi a lekane ditlhoko tsa hao feela. Hape sena se tla fokotsa le tefello ya hao ya motlakase.
- o Se tlatse ditshedi tse kang dipitsa tsa ho pheha, hobane sena se ka bakela tshebediso e matla ya motlakase ho futhumatsa metsi.
- o Ho fokotsa sekgahla sa ho hula meetsi feela ntlwaneng ho ka boloka 20% ya bongata ba tshebediso ya metsi. Sena se ka etswa ka ho kenya ka faking ya meetsi a ntlwaneng botlolo ya senomaphodi ya dilithara tse 2, e tlatsitsweng ka metsi le lehlabathe le lenyane ho eketsa boima ba yona.
- o Lokisa ntlwana e dutlang ho seng jwalo e ka senya metsi a ka bang dilithara tse 100 000 ka selemo.
- o Qoba ho hula metsi ka ntlwaneng ha ho sa hlokehe. Lahlela dipampitshana bonojana, dikokwanyana le dithole tse ding ka moqomong wa matlakala ho ena le ho lahlela ntlwaneng. Nako le nako ha o hula metsi ka ntlwaneng, o sebedisa dilithara tse 12 tsa metsi.
- o Sebedisa "metsi a maputswa" – a sebedisitsweng dibafong, metjhineng ya ho hlatswa le disebedisweng tse ding tse bolokehileng – ho hula ka ona ntlwaneng ya hao.
- o Se tlatse letamo la hao la ho sesa hore metsi a phophome kapa ho le hlwekisa ho feta tekano.
- o Sebedisa emere e seng lethopo ha o hlatswa koloi ya hao. Haeba o tlameha ho sebedisa lethopo, sebedisa sefafatsi seo o ka se bulang le ho se kwala pakeng tsa ho hlatswa le ho fafatsa koloi. Ho sebedisa lethopo ho ka sebedisa metsi a bongata bo ka bang dilithara tse 30 ka motsotso.
- o Se tshole pente le dikhemikhale ka forong.
- o Borapolasi ba tlameha ho netefatsa hore ba boloka dibolayadikokwana tse kotsi hole le mehlodi le melatswana ya metsi.
- o Difaboriki di lokela ho hlokomela hore di qhalang mekhuri le disebediswa tse ding tse bohale ka metsing a sa sebedisweng.
- o Batho ba lokela ho hlokomela ho se sebedise noka kapa mabopo a noka e le sebaka sa boithusetso.

Ka tshingwaneng

- o Ka mehla nosetsa dimela tsa hao dihoreng tsa hoseng kapa ka phirimana, ha ho batla ho phodile. Pakeng tsa 10:00 le 15:00 motho a ka senyelhwa ke metsi ao e ka bang 90% ka lebaka la phofodi.
- o Nako le nako ha o bedisa lehe, phodisa metsi mme o a sebedise ho nosetsa dimela tsa hao tsa ka tlung. Di tla una dijong tse tswang kgaketeng.
- o Tsepamisa hodima dimela tsa setso le tsa melata tse sa sebediseng metsi (empa e seng tsa melata tse atang ka potlako)
- o Hlopha dimela ho ya ka tlhoko ya tsona ya metsi mme o di sireletse ka mathoko.
- o Se ke wa nosetsa serapa kgafetsa, empa ha o se nosetsa, se nosetse hantle. Ho sebedisa peipi ya metsi ya serapeng ho ka ja dilithara tsa metsi tse ka bang 30 ka motsotso.
- o Fothola dimela tsa melata tse atang thepeng ya hao.
- o Metsi a kgakeleditsweng marulelong le wona a ka ba molemo ha a bolokilwe ditankeng, bakeng sa ho nosetsa serapeng.
- o Sebedisa "metsi a maputswa" – a sebedisitsweng dibafong, metjhineng ya ho hlatswa le disebedisweng tse ding tse bolokehileng –ho nosetsa tshingwana ya hao.

